



N° Ե136-07/25

02.07.2025թ.

ՎԱՂԱՐՇԱՊԱՏ ՀԱՄԱՅՆՔԻ ՂԵԿԱՎԱՐԻՆ
ՓՈԽԱՐԻՆՈՂ, ԱՌԱՋԻՆ ՏԵՂԱԿԱԼ ԱՐՍԵՆ ՊԵՏՐՈՍՅԱՆԻՆ

ԳՅՈՒՄՐՈՒ «ԵՐԻՏԱՍԱՐԴԱԿԱՆ ՆԱԽԱԶԵՌՆՈՒԹՅՈՒՆՆԵՐԻ ԿԵՆՏՐՈՆ» ՀԿ
ԽՈՐՀՐԴԻ ՆԱԽԱԳԱՀ ԱՐԹՈՒՐ ՆԱԶԱՐՅԱՆԻՑ
055858307, 095919197

ԴԻՄՈՒՄ

**«ԷԶՄԻԱԾՆԻ ԵՐԻՏԱՍԱՐԴՆԵՐԻ ՏՈՒՆ» ԲԱՑ ԵՐԻՏԱՍԱՐԴԱԿԱՆ ԿԵՆՏՐՈՆԻ
ԳՈՐԾՈՒՆԵՈՒԹՅԱՆ ՇԱՐՈՒՆԱԿՈՒԹՅԱՆ ԱՊԱՀՈՎՄԱՆ ԵՎ «ԵՐԻՏԱՍԱՐԴԱԿԱՆ
ՄԻՋԱՎԱՅՐԻ» ԳՈՐԾՈՒՆԵՈՒԹՅԱՆ ՈՒՂԵՑՈՒՅՑՈՎ ՏՐՎԱԾ ՊԵՏԱԿԱՆ
ՉԱՓՈՐՈՇԻՉՆԵՐԻՆ ՀԱՄԱՊԱՏԱՍԽԱՆ ԿԱԶՄԱԿԵՐՊԵԼՈՒ ՄԱՍԻՆ**

Հարգելի՛ պարոն Պետրոսյան,

ՀՀ Կառավարության գործունեության կարևոր առաջնահերթություններից է երիտասարդներին ուղղված քաղաքականության իրականացումը, որի հիմքում երիտասարդների զարգացման, նրանց ինքնաիրացման համար նպաստավոր պայմանների և միջավայրի ձևավորումն է: Իսկ համաձայն «Երիտասարդական քաղաքականության մասին» ՀՀ օրենքով տրվող նոր իրավակարգավորումների, որոնցով նաև սահմանվում են տեղական ինքնակառավարման մարմիններին վերապահված մի շարք լիազորություններ, կարևորվում է համայնքներում երիտասարդական քաղաքականության իրականացումը, երիտասարդական միջավայրերի (երիտասարդական կենտրոն, երիտասարդական տարածք) գործարկումը, որտեղ համայնքի 13-35 տարեկան երիտասարդները հնարավորություն կունենան երիտասարդական աշխատանքի սկզբունքով կազմակերպել տարբեր երիտասարդական միջոցառումներ, հանդիպումներ, քննարկումներ, ինտելեկտուալ ժամանց, և երիտասարդական ծառայությունների ապահովումը՝ նպատակաուղղված ստեղծագործ, նախաձեռնող, կարողունակ ու մրցունակ երիտասարդի ձևավորմանը:

Այս ուղղությամբ ուրախ ենք արձանագրել, որ Վաղարշապատի համայնքապետարանի, Գյումրու «Երիտասարդական նախաձեռնությունների կենտրոն» հասարակական կազմակերպության (այսուհետ՝ ԵՆԿ ՀԿ) և ՅՈՒՆԻՍԵՖ-ի հայաստանյան գրասենյակի միջև



վստահելի, արդյունավետ համագործակցության արդյունքում 2022 թվականին հիմնվել է «Էջմիածնի երիտասարդների տուն» բաց երիտասարդական կենտրոնը (այսուհետ՝ Կենտրոն), որը երիտասարդական աշխատանքի մեթոդաբանությամբ և սկզբունքներով աշխատող երիտասարդական միջավայր է՝ նպատակաուղղված համայնքի 13-18 տարեկան պատանիների և երիտասարդների քաղաքացիական ակտիվության բարձրացմանն ու բարեկեցությանը, նոր հմտությունների զարգացմանը, ինքնաարտահայտմանը, ինտելեկտուալ ժամանցի կազմակերպմանը, սոցիալականացմանը և համայնքում դրական փոփոխությունների իրականացմանը:

«Էջմիածնի երիտասարդների տուն» բաց երիտասարդական կենտրոնի 164,6 քմ տարածքը (հասցե՝ ք. Էջմիածին, փ. Լեոնիդ Ազգալոյան 7), որը հատկացվել է Վաղարշապատ համայնքի ավագանու 29.10.2021 թվականի N127 որոշման հիման վրա, 2022 թվականին ամբողջապես վերանորոգվել, կահավորվել և նյութատեխնիկապես հագեցվել է ԵՆԿ ՀԿ-ի կողմից:

Կենտրոնը քաղաքացիական կրթություն, կյանքի հիմնարար հմտություններ, մասնագիտական կողմնորոշում, առողջ ապրելակերպի խթանում, առաջնորդություն և նախաձեռնողականություն, ինտելեկտուալ ժամանց ուղղություններով ծառայություններ է մատուցում տարեկան 600 պատանիների և երիտասարդների, այդ թվում՝ սոցիալապես անապահով, սակավ հնարավորություններով, ինչպես նաև Արցախից տեղահանված:

2022 թվականից մինչ այսօր կենտրոնը Վաղարշապատի համայնքապետարանի և ԵՆԿ ՀԿ աջակցությամբ համայնքային երիտասարդական անվճար ծառայություններ՝ կրթական ակումբներ, աշխատարաններ, դասընթացներ, տեղեկատվություն և խորհրդատվություն, ուսումնաճանաչողական այցեր, էքսկուրսիաներ, արշավներ և ճամբարներ, ժամանցային և հանրային միջոցառումներ, անհատական կամ խմբային երիտասարդական աշխատանք, շարժական երիտասարդական աշխատանք, միջազգային փոխանակման ծրագրեր է տրամադրել 2421 երիտասարդների և պատանիների:

Հարգելի՛ պարոն Պետրոսյան,

Հիմք ընդունելով Կառավարության համար երիտասարդական քաղաքականության իրականացման առաջնահերթությունը, «Երիտասարդական քաղաքականության մասին» ՀՀ օրենքը, Կենտրոնի աշխատանքները «Երիտասարդական միջավայրի» գործունեության նոր ուղեցույցով տրված պետական չափորոշիչներին համապատասխանեցնելու անհրաժեշտությունը, Վաղարշապատ համայնքում երիտասարդական քաղաքականության իրականացման և համայնքային երիտասարդական ծառայությունների տրամադրման շուրջ

համայնքապետարանի և ԵՆԿ ՀԿ-ի միջև ձևավորված վստահելի ու արդյունավետ համագործակցությունը, ինչպես նաև կարևորելով համայնքապետարանի առանցքային դերը «Էջմիածնի երիտասարդների տուն» բաց երիտասարդական կենտրոնի անխափան գործունեություն ծավալելու և համայնքային երիտասարդական ծառայությունների շարունակական ապահովման հարցում՝ սույնով դիմում ենք Ձեզ՝ համայնքապետարանի կողմից տրամադրված տարածքի օգտագործման ժամկետի երկարաձգման, Կենտրոնի գործարկման ծախսերի վերանայման, շահառու խմբի տարիքային շրջանակի և մատուցվող ծառայությունների ընդլայման համար:

Համայնքապետարանի կողմից տրամադրված տարածքի օգտագործման ժամկետի երկարաձգումը, Կենտրոնի շահառու խմբի տարիքային շրջանակի և մատուցվող ծառայությունների ընդլայնումը պարտադիր պահանջ է Կենտրոնի աշխատանքները «Երիտասարդական միջավայրի» գործունեության նոր ուղեցույցով տրված պետական չափորոշիչներին համապատասխանեցնելու, ՀՀ կրթության, գիտության, մշակույթի և սպորտի նախարարության կողմից 2025 թվականի սեպտեմբերից երիտասարդական կենտրոնների վերազինման նպատակով տրամադրվող դրամաշնորհին դիմելու, մասնագիտական աջակցություն և սուպերվիզիա ստանալու ու հեռանկարային պետական ծրագրեր իրականացնելու համար՝ ձևավորելով համայնքային համապարփակ երիտասարդական ծառայությունների մոդել: Այսպիսով, Կենտրոնի գործունեությունը դիտարկվում է ոչ միայն որպես համագործակցության հաջող օրինակ, այլ նաև համայնքի կողմից օրենքով սահմանված պարտավորությունների իրագործման միջոց:

Հիմք ընդունելով վերոգրյալը՝ առաջարկում ենք.

1) Տարածքի օգտագործման ժամկետի երկարացում

2022 թվականի հունվարի 12-ին Վաղարշապատ համայնքի թիվ 14 «Ձնծաղիկ» մանկապարտեզ ՀՈԱԿ-ի և ԵՆԿ ՀԿ-ի միջև Վաղարշապատ համայնքի ավագանու 29.10.2021 թվականի N 127 որոշման հիման վրա կնքված գույքի անհատույց օգտագործման պայմանագրի ժամկետը երկարացնել 10 (տասը) տարի ժամանակով՝ սահմանելով մինչև 2036 թվականի դեկտեմբերի 31-ը:

2) Շահառու խմբի տարիքի ընդլայնում

Կենտրոնի ծառայությունները ներկայումս սահմանված 13-18 տարեկանի փոխարեն հասանելի դարձնել 13-35 տարեկան երիտասարդներին՝ համապատասխանեցնելով «Երիտասարդական քաղաքականության մասին» օրենքով սահմանված չափանիշներին՝ ապահովելով համայնքի երիտասարդության լայն շրջանակի ընդգրկում՝ ներառյալ բարձրագույն կրթության փուլում



գտնվող, աշխատանք որոնող, ինչպես նաև սոցիալապես խոցելի խմբերի պատկանող երիտասարդներին:

3) Կենտրոնի գործարկման ծախսերի վերանայում

Վերանայել 2022 թվականի հունիսի 24-ին կենտրոնի գործարկման համար Վաղարշապատի համայնքապետարանի և ԵՆԿ ՀԿ-ի միջև կնքված նվիրաբերության ԷԵՏԲԵԿ/ԵՆԿ-ՎՀ 1-06/22 երկկողմ պայմանագրի ժամկետները և պայմանագրով սահմանված նվիրատվության չափը: 2026 թվականի հունվարի 1-ից կենտրոնի կողմից համայնքային երիտասարդական ծառայություններն արդյունավետ ու նպատակային իրականացնելու համար անհրաժեշտ է, որ համայնքապետարանը տարեկան կտրվածքով հոգա հետևյալ ծախսերը՝

- Կենտրոնի կոմունալ ծախսեր (վճարվում է անմիջապես համայնքապետարանի կողմից),
- Հեռահաղորդակցման (համացանց, հեռախոս) ծախսեր՝ 189.600 ՀՀ դրամ,
- Կենտրոնի ընթացիկ գործունեության նյութատեխնիկական և տրանսպորտային միջոցների հետ կապված ծախսեր՝ 218.000 ՀՀ դրամ,
- Ամենամյա բակային ճամբարի ծախսեր՝ 250.000 ՀՀ դրամ,
- Մարդկային ռեսուրսների հետ կապված ծախսեր՝ (կենտրոնի համակարգողի, երկու երիտասարդական աշխատողի, հոգեբանի և հավաքարարի աշխատավարձ) 8.580.000 ՀՀ դրամ,
- Բաց երիտասարդական կենտրոնի մոդելի ներդրման, գործարկման աշխատանքների կազմակերպման, մոնիթորինգի ու գնահատման իրականացման համար անհրաժեշտ ծախսեր՝ 2.406.000 ՀՀ դրամ,
- Գործուղման և ներկայացուցչական ծախսեր՝ (տրանսպորտ, օրապահիկ, գիշերակաց) 170.000 ՀՀ դրամ:

Տարեկան ընդհանուր 11.813.600 (տասնմեկ միլիոն ութ հարյուր տասներեք հազար վեց հարյուր) ՀՀ դրամ ներդնելու արդյունքում Վաղարշապատի համայնքապետարանի կողմից ԵՆԿ ՀԿ միջոցով կապահովվի երիտասարդական որակյալ ծառայությունների տրամադրում համայնքում 13-ից 35 տարեկան 700-800 երիտասարդների, այդ թվում՝ սոցիալապես անապահով, սակավ հնարավորություններով, ինչպես նաև Արցախից տեղահանված և այլ խոցելի խմբերի:

Իր հերթին, **ԵՆԿ ՀԿ-ն** կհոգա (մասնակի կամ ամբողջությամբ) հետևյալ ծախսերը՝

- Մարդկային ռեսուրսների, ընթացիկ գործունեության, թեմատիկ աշխատարանների, դասընթացների, մասնագիտական կողմնորոշման հանդիպումների, խորհրդատվությունների, ուսումնական և ճանաչողական այցերի, բակային ճամբարի, բաց երիտասարդական աշխատանքի մոդելի ներդրման, գործարկման,



աշխատանքների կազմակերպման և մոնիտորինգի/գնահատման համար անհրաժեշտ ծախսեր՝ 8.040.660 ՀՀ դրամ:

Տարեկան ընդհանուր՝ 8.040.660 (ութ միլիոն քառասուն հազար վեց հարյուր վաթսուն) ՀՀ դրամ:

Տարեկան գործարկման նախահաշիվը ներկայացվում է դիմումին կից:

Մեզ համար անչափ կարևոր և գնահատելի է Վաղարշապատի համայնքապետարանի հանձնառությունը՝ համայնքում երիտասարդական քաղաքականություն իրականացնելու և համայնքային երիտասարդական ծառայությունների շարունակականությունը և հասանելիությունը ապահովելու գործում:

Վստահ ենք, որ վերոգրյալ առաջարկները կհանդիսանան շարունակական համագործակցության և համայնքում երիտասարդական քաղաքականության ինստիտուցիոնալացման ամուր հիմք՝ ի շահ Վաղարշապատի երիտասարդների հզորացման, ներգրավվածության և բարեկեցության:

Նախապես շնորհակալություն ենք հայտնում Ձեր պատրաստակամության և համագործակցության համար:

Հարցերի դեպքում, սիրով պատրաստ ենք քննարկել:

Հարգանքով՝

Արթուր Նաջարյան

ԵՆԿ ՀԿ խորհրդի նախագահ

